

# 阿毘達磨大毘婆沙論卷第一百一十

五百大阿羅漢等造  
三藏法師玄奘奉 詔譯

智蘊第三中七聖納息第五之二

藍字部分：《發智論卷九》釋論範圍

諸法-集智相應，彼法-滅智相應耶？答：不爾！

設法-滅智相應，彼法-集智相應耶？答：不爾！

對道智、空、無相三摩地，亦爾。所以者何？非一心故、行相異故、或所緣異故。

諸法-集智相應，彼法-無願三摩地相應耶？

答：應作四句。義不定故。

①有法-集智相應，非無願。謂：集智相應無願。

即集智俱生無願三摩地，此與集智相應；非無願，自性與自性不相應故。

②有法-無願相應，非集智。謂：集智及集智不相應無願相應法。

此中…

•集智者→謂：無願俱生集智，此與無願相應；非集智，自性與自性不相應故。

•及集智不相應無願相應法者→謂：苦忍、苦智，集忍、集智，道忍、道智俱生聚中無願相應法。此與無願相應，非集智，是他聚故。

③有法-集智相應，亦無願。謂：二相應法。

此法是何？謂：集智俱生聚中，除集智及無願。諸餘心、心所法，即八大地法、十大善地法、尋伺及心。

④有法-非集智相應，亦非無願。謂：集智不相應無願，（及諸餘心心所法、色、無為、心不相應行。）…乃至廣說。

此中…

•集智不相應無願者→謂：苦忍、苦智，集忍，道忍、道智俱生聚中無願，此非集智相應，是他聚故；亦非無願相應，自性與自性不相應故。

•及諸餘心、心所法者→謂：空、無相俱生聚中心、心所法，及一切有漏心、心所法。此俱不相應，是他聚故。

•色、無為、心不相應行者→謂：一切色、無為、心不相應行。此俱不相應，無所緣故。

對三無漏根、七覺支、八道支，如法智說者。謂：如法智對三無漏根等，此集智對三無漏根等，廣說亦爾。

諸法-滅智相應，彼法-道智相應耶？答：不爾。

設法-道智相應，彼法-滅智相應耶？答：不爾。

對空、無願三摩地，亦爾。所以者何？非一心故、行相異故、所緣異故。

諸法-滅智相應，彼法-無相三摩地相應耶？

答：應作四句。義不定故。

①有法-滅智相應，非無相。謂：滅智相應無相。

即滅智俱生無相三摩地。此與滅智相應，非無相，自性與自性不相應故。

②有法-無相相應，非滅智。謂：滅智及滅智不相應無相相應法。

此中…

- 滅智者→謂：無相俱生滅智。此與無相相應，非滅智，自性與自性不相應故。
- 及滅智不相應無相相應法者→謂：滅忍俱生無相相應法，此與無相相應，非滅智，是他聚故。

③有法-滅智相應，亦無相。謂：二相應法。

此法是何？謂：滅智俱生聚中，除滅智及無相。諸餘心、心所法，即八大地法、十大善地法、尋伺及心。

④有法-非滅智相應，亦非無相。謂：滅智不相應無相，（及諸餘心心所法、色、無為、心不相應行。）…乃至廣說。

此中…

- 滅智不相應無相者→謂：滅忍俱生無相。此非滅智相應，是他聚故；亦非無相相應。自性與自性不相應故。
- 及諸餘心、心所法者→謂：空、無願俱生聚中心、心所法，及一切有漏心、心所法，此俱不相應，是他聚故。
- 色、無為、心不相應行者→謂：一切色、無為、心不相應行。此俱不相應，無所緣故。

對三無漏根、七覺支、八道支，如法智說者。謂：如法智對三無漏根等，此滅智對三無漏根等，廣說亦爾。

諸法-道智相應，彼法-空三摩地相應耶？答：不爾。

設法-空三摩地相應，彼法-道智相應耶？答：不爾。

對無相三摩地，亦爾。所以者何？非一心故、行相異故、所緣異故。

諸法-道智相應，彼法-無願三摩地相應耶？

答：應作四句。義不定故。

①有法-道智相應，非無願。謂：道智相應無願。

即道智俱生無願，此與道智相應，非無願，自性與自性不相應故。

②有法-無願相應，非道智。謂：道智及道智不相應無願相應法。

此中…

- 道智者→謂：無願俱生道智。此與無願相應，非道智，自性與自性不相應故。
- 及道智不相應無願相應法者→謂：苦忍、苦智、集忍、集智、道忍俱生聚中無願相應法，此與無願相應，非道智，是他聚故。

③有法-道智相應，亦無願。謂：二相應法。

此法是何？謂：道智俱生聚中，除道智及無願，諸餘心、心所法，即八大地法、十大善地法、尋伺及心。

④有法-非道智相應，亦非無願。謂：道智不相應無願，（及諸餘心、心所法、色、無為、心不相應行。）…乃至廣說。

此中…

- 道智不相應無願者→調：苦忍、苦智、集忍、集智、道忍，俱生聚中，無願。此非道智相應，是他聚故；亦非無願相應，自性與自性不相應故。
- 及諸餘心、心所法者→調：空、無相俱生聚中心、心所法，及一切有漏心、心所法。此俱不相應，是他聚故。
- 色、無為、心不相應行者→調：一切色、無為、心不相應行。此俱不相應，無所緣故。

對三無漏根、七覺支、八道支，如法智說者→調：如法智對三無漏根等。此道智對三無漏根等，廣說亦爾。

諸法-空三摩地相應；彼法-無願三摩地相應耶？答：不爾。

設法-無願三摩地相應；彼法-空三摩地相應耶？答：不爾。

對無相，亦爾。所以者何？非一心故。行相異故。或所緣異故。

諸法-空三摩地相應；彼法-未知當知根相應耶？

答：應作四句。義不定故。

- ①有法-空相應，非未知當知根。謂：未知當知根所不攝空相應法。

此法是何？調：已知根、具知根俱生空相應法，此與空相應，非未知當知根，是他聚故。

- ②有法-未知當知根相應，非空。謂：未知當知根所攝空，及空不攝、不相應未知當知根相應法。

此中…

- 未知當知根所攝空者→調：未知當知根俱生聚中空，此與未知當知根相應，非空，自性與自性不相應故，及空不攝、不相應。

- 未知當知根相應法者→調：無願、無相俱生聚中未知當知根相應法，此與未知當知根相應，非空，是他聚故。

- ③有法-空相應，亦未知當知根。謂：未知當知根所攝空相應法。

此法是何？調：此聚中，八根及彼相應諸非根心所法。

- ④有法-非空相應，亦非未知當知根：謂：未知當知根所不攝空，（及空、未知當知根不攝不相應諸餘心心所法、色、無為、心不相應行。）…乃至廣說。

此中…

- 未知當知根所不攝空者→調：已知根、具知根俱生聚中空，此非空相應，自性與自性不相應故；亦非未知當知根相應，是他聚故。

- 及空未知當知根不攝、不相應，諸餘心、心所法者→調：已知根、具知根所攝，無願、無相俱生聚中心、心所法，及一切有漏心、心所法，此俱不相應，是他聚故。

- 色、無為、心不相應行者→調：一切色、無為、心不相應行，此俱不相應，無所緣故。

對已知具知根，亦爾者→如空三摩地對未知當知根有四句，此對已知、具知根亦爾。

諸法-空三摩地相應，彼法-念覺支相應耶？

答：應作四句。義不定故。

①有法-空相應，非念（覺支）。謂：空相應念（覺支）。

即空三摩地俱生念覺支，此與空相應，非念，自性與自性不相應故。

②有法-念（覺支）相應，非空：謂：空及空不相應念（覺支）相應法。

此中…

•空者→謂：念覺支俱生空三摩地，此與念相應，非空，自性與自性不相應故。

•及空不相應念相應法者→謂：無願、無相俱生念覺支相應法，此與念相應，非空，是他聚故。

③有法-空相應，亦念（覺支）：謂：二相應法。即空俱生聚中，除空及念。諸餘心、心所法。此法是何？謂：八大地法、十大善地法、尋伺及心。

④有法-非空相應，亦非念（覺支）。謂：空不相應念（覺支），（及諸餘心心所法、色、無為、心不相應行。）…乃至廣說。

此中…

•空不相應念者→謂：無願、無相俱生念覺支，此非空相應，是他聚故；亦非念相應，自性與自性不相應故。

•及諸餘心心所法者→謂：一切有漏心、心所法，此俱不相應，是他聚故。

•色、無為、心不相應行者→謂：一切色、無為、心不相應行，此俱不相應，無所緣故。

對擇法、精進、輕安、捨覺支、正見、正精進、正念，亦爾者。

謂：如空三摩地對念覺支有四句，此對擇法等亦爾。

諸法-空三摩地相應；彼法-喜覺支相應耶？

答：應作四句。義不定故。

①有法-空相應，非喜。謂：空相應喜（覺支）及喜不相應空相應法。

此中…

•空相應喜者→謂：空俱生聚中喜覺支，此與空相應，非喜，自性與自性不相應故。

•及喜不相應空相應法者→謂：未至定、靜慮中間、後二靜慮、前三無色地中，空三摩地相應法，此與空相應，非喜，是他地故。

②有法-喜（覺支）相應，非空。謂：喜（覺支）相應空，及空不相應喜（覺支）相應法。

此中…

•喜相應空者→謂：喜覺支俱生聚中空三摩地，此與喜相應，非空，自性與自性不相應故。

•及空不相應喜相應法者→謂：無願、無相俱生聚中喜相應法，此與喜相應，非空，是他聚故。

③有法-空相應，亦喜。謂：二相應法。即初、二靜慮空俱生聚中，除空及喜，諸餘心、心所法。

此法是何？謂：八大地法、十大善地法尋伺及心。

④有法-非空相應，亦非喜。謂：空不相應喜（覺支），（喜覺支不相應空，及諸餘心心所法、色、無為、心不相應行。）…乃至廣說。

此中…

- 空不相應喜者→謂：無願、無相俱生聚中喜，此非空相應，是他聚故；亦非喜相應，自性與自性不相應故。
- 喜不相應空者→謂：未至定、靜慮中間、後二靜慮、前三無色地中，空三摩地，此非空相應，自性與自性不相應故；亦非喜相應，是他地故。
- 及諸餘心、心所法者→謂：未至定、靜慮中間、後二靜慮、前三無色地中，無願、無相俱生聚中心、心所法，及一切有漏心、心所法，此俱不相應，是他聚故。
- 色、無為、心不相應行者→謂：一切色、無為、心不相應行。此俱不相應，無所緣故。

對正思惟，亦爾者。如空三摩地對喜覺支作四句，此對正思惟亦爾。

諸法-空三摩地相應，彼法-定覺支相應耶？

答：諸法-空相應，彼法亦定（覺支）相應。一切空三摩地皆是定覺支攝故。

有法-定（覺支）相應，非空。謂：空所不攝定（覺支）相應法。

此法是何？謂：無願、無相俱生聚中定覺支相應法，此與定覺支相應，非空，是他聚故。

對正定，亦爾者。

如空三摩地對定覺支作順前句，此對正定亦爾。

如空對後；無願、無相對後，亦爾者。

如空三摩地對後無願、無相，對後廣說亦爾。

有差別者：如空對喜覺支；正思惟、無願、無相對喜覺支、正見、正思惟，亦爾。

諸法-未知當知根相應，彼法-已知根相應耶？答：不爾。

設法-已知根相應，彼法-未知當知根相應耶？答：不爾。

對具知根，亦爾。所以者何？非一心故，位各別故。

諸法-未知當知根相應，彼法-念覺支相應耶？

答：應作四句。義不定故。

①有法-未知當知根相應，非念。謂：未知當知根所攝念（覺支）。

即未知當知根俱生聚中念，此與未知當知根相應，非念覺支，自性與自性不相應故。

②有法-念覺支相應，非未知當知根。謂：未知當知根所不攝念（覺支）相應法。

此法是何？謂：已知根、具知根俱生聚中念相應法，此與念相應，非未知當知根，是他聚故。

③有法-未知當知根相應，亦念。謂：未知當知根所攝念（覺支）相應法。



此法是何？謂：餘八根及彼相應，諸非根心所法。

- ④有法-非未知當知根相應，亦非念。謂：未知當知根所不攝念（覺支），（及諸餘心心所法、色、無為、心不相應行。）…乃至廣說。

此中…

- 未知當知根所不攝念者→謂：已知根具知根俱生聚中念，此非未知當知根相應，是他聚故；亦非念相應，自性與自性不相應故。
- 及餘心、心所法者→謂：一切有漏心、心所法，此俱不相應，是他聚故。
- 色、無為、心不相應行者→謂：一切色、無為、心不相應行，此俱不相應，無所緣故。

對擇法、精進、定覺支，正見、正精進、正念、正定，亦爾者。

謂：如未知當知根對念覺支有四句，此對擇法覺支等亦爾。

諸法-未知當知根相應，彼法-喜覺支相應耶？

答：應作四句。義不定故。

- ①有法-未知當知根相應，非喜。謂：未知當知根所攝喜（覺支），及喜（覺支）不攝、不相應未知當知根相應法。

此中…

- 未知當知根所攝喜者→謂：未知當知根俱生聚中喜，此與未知當知根相應，非喜，自性與自性不相應故。
- 及喜不攝、不相應未知當知根相應法者→謂：未至定、靜慮中間、第三、第四靜慮地中-未知當知根相應法，此與未知當知根相應，非喜，是他地故。

- ②有法-喜覺支相應，非未知當知根。謂：未知當知根所不攝喜（覺支）相應法。

此法是何？謂：已知根具知根俱生聚中喜相應法，此與喜相應，非未知當知根，是他聚故。

- ③有法-未知當知根相應，亦喜。謂：未知當知根所攝喜（覺支）相應法。

此法是何？謂：餘八根及彼相應諸非根心所法。

- ④有法-非未知當知根相應，亦非喜。謂：未知當知根所不攝喜（覺支），（及喜覺支、未知當知根不攝不相應諸餘心心所法、色、無為、心不相應行。）…乃至廣說。

此中…

- 未知當知根所不攝喜者→謂：已知根、具知根俱生聚中喜，此非未知當知根相應，是他聚故；亦非喜相應，自性與自性不相應故。
- 及喜未知當知根不攝、不相應諸餘心、心所法者→謂：未至定、靜慮中間、後二靜慮、前三無色地中，已知根具知根俱生聚中心、心所法，及一切有漏心、心所法，此俱不相應，是他聚故。
- 色、無為、心不相應行者→謂：一切色、無為、心不相應行，此俱不相應，無所緣故。

諸法-未知當知根相應；彼法-輕安覺支相應耶？

答：應作四句。義不定故。

- ①有法-未知當知根相應，非輕安。謂：未知當知根相應輕安（覺支）。此與未知當知根相應，非輕安，自性與自性不相應故。
- ②有法-輕安相應，非未知當知根。謂：未知當知根不相應輕安（覺支）相應法。  
此法是何？謂：已知根具知根俱生聚中。輕安相應法此與輕安相應。非未知當知根。是他聚故。
- ③有法-未知當知根相應，亦輕安。謂：未知當知根相應輕安（覺支）相應法。  
此法是何？謂：十大地法。九大善地法。尋伺及心。
- ④有法-非未知當知根相應，亦非輕安。謂：未知當知根不相應輕安（覺支）（，及諸餘心心所法、色、無為、心不相應行。）。
- 即已知根具知根俱生聚中輕安，此非未知當知根相應，是他聚故；亦非輕安相應，自性與自性不相應故。
- 及餘心心所法者→謂：一切有漏心、心所法。此俱不相應。是他聚故。
  - 色無為心不相應行者→謂：一切色、無為、心不相應行，此俱不相應，無所緣故。

對捨覺支，亦爾者→謂：如未知當知根對輕安覺支有四句，此對捨覺支亦爾。

諸法-未知當知根相應；彼法-正思惟相應耶？

答：應作四句。義不定故。

- ①有法-未知當知根相應，非正思惟。謂：未知當知根相應正思惟，及正思惟不相應未知當知根相應法。  
此中…
- 未知當知根相應正思惟者→謂：未知當知根俱生聚中正思惟，此與未知當知根相應，非正思惟，自性與自性不相應故，及正思惟不相應。
  - 未知當知根相應法者→謂：靜慮中間、後三靜慮地中，未知當知根相應法。此與未知當知根相應，非正思惟，是他聚故。
- ②有法-正思惟相應，非未知當知根。謂：未知當知根不相應正思惟相應法。  
此法是何？謂：已知根、具知根俱生聚中正思惟相應法。此法與正思惟相應，非未知當知根，是他聚故。
- ③有法-未知當知根相應，亦正思惟。謂：未知當知根相應正思惟相應法。  
此法是何？謂：十大地法、十大善地法、尋伺及心。
- ④有法-非未知當知根相應，亦非正思惟。謂：未知當知根不相應正思惟，（及未知當知根正思惟不相應諸餘心心所法、色、無為、心不相應行。）…乃至廣說。  
此中…
- 未知當知根不相應正思惟者→謂：已知根具知根俱生聚中正思惟。此非未知當知根相應。是他聚故。亦非正思惟相應。自性與自性不相應故。
  - 及諸餘心、心所法者→謂：靜慮中間後三靜慮前三無色地中已知根具知根俱生聚中心心所法。及一切有漏心心所法。此俱不相應。是他聚故。

•色、無為、心不相應行者→調：一切色、無為、心不相應行。此俱不相應，無所緣故。

如未知當知根對後；已知具知根對後，亦爾。

有差別者，具知根對正見，應作四句：與前有異。

①有法-具知根相應，非正見。謂：具知根所攝正見，及正見不攝、不相應具知根相應法。

此中…

•具知根所攝正見→調：具知根俱生正見，此與具知根相應，非正見，自性與自性不相應故。

•及正見不攝不相應具知根相應法者→調：盡智、無生智俱生聚中具知根相應法，此與具知根相應，非正見，是他聚故。

②有法-正見相應，非具知根。謂：具知根所不攝正見相應法。

此法是何？調：未知當知根、已知根俱生聚中正見相應法，此與正見相應，非具知根，是他聚故。

③有法-具知根相應，亦正見。謂：具知根所攝正見相應法。

此法是何？調：餘八根及彼相應諸非根心所法。

④有法-非具知根相應，亦非正見。謂：具知根所不攝正見，（及正見具知根不攝不相應諸餘心心所法、色、無為、心不相應行。）…乃至廣說。

此中…

•具知根所不攝正見者→調：未知當知根、已知根俱生聚中正見，此非具知根相應，是他聚故；亦非正見相應，自性與自性不相應故。

•及諸餘心、心所法者→調：一切有漏心、心所法。此俱不相應，是他聚故。

•色、無為、心不相應行者→調：一切色、無為、心不相應行，此俱不相應。無所緣故。

念覺支…乃至正念對後，廣說，如覺支納息者，如此蘊初納息已廣說。

如說：「苾芻！吾當為汝說四十四智事，汝應諦聽，極善作意…乃至廣說。」

問：何故作此論？

答：為廣分別《契經》義故。

如《契經》說：「佛告苾芻：『吾當為汝說四十四智事，汝應諦聽…乃至廣說。』」《契經》雖作是說，而不分別其義，經是此論所依根本，彼未說者，今應說之，故作斯論。

問：世尊何故說此《契經》？

答：世尊昔者，由此加行，為門、為路，證得無上正等菩提。今復說此，示諸弟子：「汝等若能不捨如是加行門路，不久當得諸漏永盡。」譬如長者，由是方便，集得珍財，而受富樂。復亦以此方便，教諸子孫告言：「汝等若能不捨如是方便，必獲珍財亦受富樂。」世尊亦爾。



云何四十四智事？

謂：知老死智，知老死集智，知老死滅智，知趣老死滅行智。如是知-生、有、取、愛、受、觸、六處、名色、識、行智，知行集智，知行滅智，知趣行滅行智，是名「四十四智事」。

四十四智事										
老死智	生智	有智	取智	愛智	受智	觸智	六處智	名色智	識智	行智
老死集智	生集智	有集智	取集智	愛集智	受集智	觸集智	六處集智	名色集智	識集智	行集智
老死滅智	生滅智	有滅智	取滅智	愛滅智	受滅智	觸滅智	六處滅智	名色滅智	識滅智	行滅智
老死滅行智	生滅行智	有滅行智	取滅行智	愛滅行智	受滅行智	觸滅行智	六處滅行智	名色滅行智	識滅行智	行滅行智

問：此中何故不說「知無明智」等耶？

答：應說而不說者，當知此義有餘。

復次，若法-有支所攝，以有支為因，是有支果者，此中說之；無明雖亦有支所攝，而不以有支為因，亦非有支果，故此不說。

復次，若依此法，具起四智，此中說之；依無明，但起三智，不起緣有支集智，故此不說。

此中，知-老、死智等…四十四智事，當言法智…乃至道智耶？

答：應言：「知老死智是四智」。

謂：法、類、世俗、苦智…

謂：法、類、世俗、苦智，知老死集智是四智。

謂：法、類、世俗、集智，知老死滅智是四智。

謂：法、類、世俗、滅智，知趣老死滅行智是四智。

謂：法、類、世俗、道智，生…乃至行四智，亦爾。

…乃至廣說。

此中，知老死智是四智：謂：法智者→知欲界老死。

類智者→知色、無色界老死。

世俗智、苦智者→俱知三界老死。

如知苦有四智，知集、滅、道，應知亦爾。

如依老死起十六智事…乃至依行，應知亦爾，如是合有一百七十六智事。

若以相續、剎那、分別，則有無量無邊智事。

此中，世尊依十一支，四諦差別，各起四智故，但說有四十四智事。

此四十四智事，幾有漏？幾無漏？

答：一切皆通有漏、無漏。

幾緣有漏？幾緣無漏？

答：二十二緣有漏；二十二緣無漏。

幾有為？幾無為？

答：一切是有為。

幾緣有為？幾緣無為？

答：三十三緣有為；十一緣無為。

幾過去？幾未來？幾現在？

答：一切皆通三世。

幾緣過去？幾緣未來？幾緣現在？

答：三十三緣三世；十一緣非世。

若如《雜蘊》，分位三世，應言…

三緣過去→調：知行智、知行集智、知識集智。

三緣未來→調：知老死智、知老死集智、知生智。

十六緣現在→調：知生集智、知有智、知有集智、知取智、知取集智、知愛智、知愛集智、知受智、知受集智、知觸智、知觸集智、知六處智、知六處集智、知名色智、知名色集智、知識智。

十一緣三世；十一緣非世。

四十四智事（過去、未來、現在、三世、非世）										
老死智	生智	有智	取智	愛智	受智	觸智	六處智	名色智	識智	行智
老死集智	生集智	有集智	取集智	愛集智	受集智	觸集智	六處集智	名色集智	識集智	行集智
老死滅智	生滅智	有滅智	取滅智	愛滅智	受滅智	觸滅智	六處滅智	名色滅智	識滅智	行滅智
老死滅行智	生滅行智	有滅行智	取滅行智	愛滅行智	受滅行智	觸滅行智	六處滅行智	名色滅行智	識滅行智	行滅行智

問：如是智事，既不能入正性離生，得果離染及盡諸漏，何緣聖者修令現前？

答：由四緣故：一、為住現法樂故。二、為遊戲功德故。三、為觀本所作故。四、為受聖財故。

如說：「苾芻！吾當為汝說七十七智事，汝應諦聽，極善作意…乃至廣說。」

問：何故作此論？

答：為廣分別《契經》義故，廣說如前。

問：世尊何故說此《契經》？

答：世尊昔者，由此加行為門、為路，廣說如前。

云何七十七智事？

謂：知生緣老死智，知彼非不生緣老死智，知過去生緣老死智，知彼非不生緣老死智，知未來生緣老死智，知彼非不生緣老死智，及法住智。

遍知此是無常、有為、(心)思所作、從緣生、盡法、滅法、離法、滅法。

如依生緣老死起七智…乃至依無明緣行，亦爾，故有七十七智事。

七十七智事（過去、未來、現在、三世、非世）						
知生緣老死智	知彼非不生緣老死智	知過去生緣老死智	知彼過去非不生緣老死智	知未來生緣老死智	知彼未來非不生緣老死智	法住智
知有緣生智	知彼非不有緣生智	知過去有緣生智	知彼過去非不有緣生智	知未來有緣生智	知彼未來非不有緣生智	法住智
知取緣有智	知彼非不取緣有智	知過去取緣有智	知彼過去非不取緣有智	知未來取緣有智	知彼未來非不取緣有智	法住智
知愛緣取智	知彼非不愛緣取智	知過去愛緣取智	知彼過去非不愛緣取智	知未來愛緣取智	知彼未來非不愛緣取智	法住智
知受緣愛智	知彼非不受緣愛智	知過去受緣愛智	知彼過去非不受緣愛智	知未來受緣愛智	知彼未來非不受緣愛智	法住智
知觸緣受智	知彼非不觸緣受智	知過去觸緣受智	知彼過去非不觸緣受智	知未來觸緣受智	知彼未來非不觸緣受智	法住智
知六處緣觸智	知彼非不六處緣觸智	知過去六處緣觸智	知彼過去非不六處緣觸智	知未來六處緣觸智	知彼未來非不六處緣觸智	法住智
知名色緣六處智	知彼非不名色緣六處智	知過去名色緣六處智	知彼過去非不名色緣六處智	知未來名色緣六處智	知彼未來非不名色緣六處智	法住智
知識緣名色智	知彼非不識緣名色智	知過去識緣名色智	知彼過去非不識緣名色智	知未來識緣名色智	知彼未來非不識緣名色智	法住智
知行緣識智	知彼非不行緣識智	知過去行緣識智	知彼過去非不行緣識智	知未來行緣識智	知彼未來非不行緣識智	法住智
知無明緣行智	知彼非不無明緣行智	知過去無明緣行智	知彼過去非不無明緣行智	知未來無明緣行智	知彼未來非不無明緣行智	法住智

問：此中何故不說知「無明所從緣智」耶？

答：應說而不說者，當知此義有餘。

復次，若法-有支所攝，以有支為因，是有支果者。此中說之；無明雖亦有支所攝，而不以有支為因，亦非有支果，故此不說。

復次，若依此法起緣有支七智者，此中說之；依無明所從緣，不起緣有支七智，故此不說。

此中知-生緣老死智等，七十七智事，當言：「法智…乃至道智」耶？

答：應言：「知生緣老死等前六智，皆是四智。」謂：法、類、世俗、集智。

第七法住智，是一世俗智。

如知生緣老死七智…乃至知無明緣行七智，亦爾。

此中…

- 法智者→知欲界生緣老死等。
- 類智者→知色、無色界生緣老死等。
- 世俗智、集智者→俱知三界生緣老死等。

大毗婆沙論一百六卷六頁云：問：何故名世俗智？答：知世俗故，名世俗智。問：亦知勝義；何故但名世俗智耶？答：雖亦少分知蘊界處四聖諦等諸勝義法，而多分知男女往來，瓶衣車乘，舍林山等，世俗法故；名世俗智。復次此世俗智，實無智相；而諸世俗、共立智名。如非王種，但諸人眾，假想施設，共立王名。復次此世俗智，一切有情，展轉共許，無有諍論；如僧上坐，如悅眾人，眾所許故；名為世俗。復次此世俗智，遍諸有情，緣一切境；故名世俗。復次此世俗智，愚癡所依，繫屬愚癡，是愚癡者安立足處；故名世俗。聲論者說：此世俗智，為諸無知之所覆蔽；如器中物，器所覆蔽；故名世俗。復次此世俗智，為對治道之所變壞，為愚癡者之所欣尚；故名世俗。

問：已說生緣老死等。何故復說非不生緣老死等耶？

答論有二種：一、立自宗。二、遮他宗。

- 立自宗者→如善說法者，立善說法宗；惡說法者，立惡說法宗；應理論者，立應理論宗；分別論者，立分別論宗。
- 遮他宗者→如善說法者，遮惡說法宗；惡說法者，遮善說法宗；應理論者，遮分別論宗；分別論者，遮應理論宗。

若但說：「生緣老死等」者，或有生疑，為興言論，作如是說，理未必爾。為決彼疑，顯此理定，是故復說～非不生緣老死等。（非不：非常、極其）

此中…

知生緣老死：是法、類、世俗、集，四智。

知非不生緣老死，亦是四智，合有八智。

知過去、未來生緣老死，亦各有八智，合有二十四智。

第七法住智，唯是一，世俗智故，足前有二十五智。

如知生緣老死…乃至知無明緣行亦爾，如是合有二百七十五智。

若以相續、剎那分別，則有無量無邊智事。

此中，世尊依十一支，三世差別，各起七智，故但說有七十七智事。

問：何故不說「知現在」耶？

有作是說：七中前二，即知現在。

復有說者：七中前二，通知三世。過去、未來難了知故，復別說知；現在不爾，故不別說。

此七十七智事，幾有漏？幾無漏？

答：十一法住智，唯有漏，唯是世俗智性攝故；餘六十六智，通有漏、無漏，四智攝故。

有作是說：一切皆通有漏、無漏。

幾緣有漏？幾緣無漏？

答：一切皆緣有漏。

幾有為？幾無為？

答：一切皆有為；必無智體，是無為故。

幾緣有為？幾緣無為？

答：一切皆緣有為。

幾過去？幾未來？幾現在？

答：一切皆通三世。

幾緣過去？幾緣未來？幾緣現在？

答：諸有，欲令七中前二，唯緣現在者→彼說二十二緣過去，二十二緣未來，二十二緣現在，十一緣三世。

諸有，欲令七中前二，通緣三世者→彼說二十二緣過去，二十二緣未來，三十三緣三世。

此智不能入正性離生等，由四緣故，修令現前，義如前說。

問：何故第七，名法住智？

答：法者→是果；住者→是因。知果法所住因故，名法住智。調：知三界下、中、上果所住之因，名法住智。此智唯知因之別相，非聖行相，故唯世俗智攝。

有作是說：此通四智。調：法、類、世俗、集智。

問：若爾！何故說是一世俗智？

答：實通無漏。此中且說是有漏者，此多分知因別相故。

復有說者：前六智是知因智，故名為法住。緣彼起智，名法住智。此智知道，非知集因，亦四智攝。調：法、類、世俗、道智。

問：若爾！何故作如是說：「遍知此是無常、有為，思所作，從緣生，盡法、滅法、離法、滅法，無漏豈得名離法」耶？

答：此中但應作如是說：「遍知此是無常有為…乃至滅法。」不應說：「離法。」而說離法者，欲顯聖者亦厭無漏、不生欣樂，故說「離法」。

有餘復說：前知因智是四智性，今知彼智名法住智。故此法住智，知彼世俗智，亦名知離法。

評曰：應知此中，初說為善。

如世尊說：「蘇尸摩當知，先有法住智，後有涅槃智。」

問：此中何者是法住智？何者是涅槃智耶？

有作是說：知集智是法住智；知滅智是涅槃智。

有餘復說：知苦、集智是法住智；知滅、道智是涅槃智。

或有說者：知苦、集、道智是法住智；知滅智是涅槃智。

問：若爾！何故說先有法住智，後有涅槃智耶？

答：雖有法住智在涅槃智後，而有法住智在涅槃智前，故作是說。

復有說者：知流轉智是法住智，知還滅智是涅槃智。

復次，知緣起智是法住智，知緣起滅智是涅槃智。

復次，知生死智是法住智，知生死滅智是涅槃智。

有餘師說：近分地智是法住智，根本地智是涅槃智。**云何知然？**  
**經為量故。**

如《契經》說：

有諸外道，共集議言：「佛未出時，我等多獲名譽利養。由佛出世，名利頓絕。如日既出，燭火潛輝。設何方便，名利如本？然！憍答摩有二事勝，謂：①善經論、②形貌端嚴。雖形貌難移，而經論易竊，我等眾內有蘇尸摩，念慧堅強，堪竊彼法，若得彼法，名利如本。」

既共議已，告蘇尸摩，彼由二緣，遂受眾請：一、愛親友。二、善根熟。

便出王舍城，詣竹林精舍，謂苾芻曰：「我欲出家。」時諸苾芻，將往白佛。佛知根性，遣諸苾芻，度令出家，與受具戒。

彼後未久，誦三藏文，亦少解義，竊作是念：「欲利親友，今正是時。」

遂從竹林出，欲還王舍城。然！佛有遍照護法天眼，恒觀世間，誰能竊者？

時有五百應真苾芻，蘇尸摩前，自讚己德：「我生已盡，梵行已立，所作已辦，不受後有！」

蘇尸摩曰：「仁等所證，依何定耶？為初靜慮？為…乃至無所有處耶？」

諸苾芻言：「我等所證，皆不依彼。」

蘇尸摩言：「若不依彼，如何得證。」

諸苾芻曰：「我等皆是慧解脫者。」

時！蘇尸摩聞已，忙然不識所謂，便作是念：「脫我親友，問此義者，我當云何？」

還詣佛所，問如是義。世尊告曰：「蘇尸摩當知，先有法住智，後有涅槃智。」

蘇尸摩曰：「我今不知何者法住智？何者涅槃智？」

佛言：「隨汝知與不知，然！法應爾。」

時！蘇尸摩不果先願。

然！彼五百應真苾芻，依未至定得漏盡已後，**方能起根本等至。**

**由此故知**-近分地智是法住智；根本地智是涅槃智。